



74
6644
9





74  
6644  
9

大清通禮卷之二十九

嘉禮



頒朔之禮。欽天監豫推來歲時憲書成式。二月。恭進御覽。乃鐫於版。四月。驛送直省各布政司。依式刊造。均以歲十月朔日頒行。是日鴻臚寺欽天監官設案於午門外正中。左右各一。均東西肆。又設一案於甬道左右。均南北肆。工部官設香亭一。龍亭一。於欽天監堂中。設采亭八。於左右。樂部和聲署陳樂於香亭前。黎明。欽天監監正率屬朝服。陳恭進。

<99-1266>



皇帝。

皇太后。

皇后時憲書於龍亭。陳王公百官時憲書於采亭。鑾儀校  
以次昇行。香亭在前。次龍亭。次采亭。鼓吹前導。導迎  
樂作。奏禧平之章。辭曰。欽若誠。皇正朔。頒分秒。無  
忒玉衡。齊貫敬。授時宜。暑寒稽。事明民庶歡。由東長  
安門入。至  
午門外。亭止。恭奉  
皇帝。

皇后前時憲書陳於正中。左案恭奉。

皇太后前時憲書陳於右案。奉王公百官時憲書陳於東西

案。欽天監官四人對舉左右案。二人前引。入

午門中門。監正監副從。至

太和門。陳於左右階上。監正等於丹墀左。行三跪九叩

禮。內務府掌儀司官奉時憲書。至

乾清門。

慈寧門。恭進

皇帝。

大清通禮

卷二十九

二



皇太后

皇后欽天監官徹案出。

右獻朔

其日王貝勒以下文武百官朝服畢會

午門外東西闕下。鴻臚寺鳴贊二人進立於甬道左右。

糾儀御史二人。禮部司官二人。進立於鳴贊之北。皆

東西面。宣制鴻臚寺官一人。立糾儀官之北。西面。鳴

贊贊齊班。鴻臚寺引親王郡王貝勒貝子公。翼序

立於甬道內。引文武百官序立於甬道左右。皆北面。

東班西上。西班東上。贊進皆進。贊跪皆跪。贊宣

制。宣制官宣

制曰。某年時憲書。頒給衆官曉諭天下。宣畢。贊叩。與衆行

三跪九叩禮。興退。禮部欽天監乃頒朔於王公百官。

親王郡王貝勒貝子公以下。八旗暨部院府寺監長

貳各官。皆以次跪領。所屬官。次日赴欽天監祇領。遂

頒布於郊甸。

右京師百官受朔

歲屆頒朔之日。各省會總督若巡撫。率在城文官。將



軍。卒在城武官受朔。是日首縣於督撫署內向  
闕列屏。設案。布政使以所刊時憲書。設於龍亭。鼓吹前  
導。昇詣公署。恭陳於案。質明文武官朝服畢會。通贊  
贊齊班。引禮二人。引各官。文東武西。重行異等。以品  
爲序。咸就拜位。北面立。如朝賀之儀。贊跪叩。與衆行  
三跪九叩禮。興。以次祇受時憲書。畢。各退。布政使分  
發專城之道。轉行所屬州縣。衛分駐之提鎮協。轉行  
所屬標營。到日。行禮祇領。與省會同。遂頒布於民間。

### 右直省受朔

每歲十月。朝鮮國王遣其陪臣齎咨。赴禮部。受來歲  
之朔。禮部豫取欽天監時憲書。函封鈴印。訖。頒朔翼  
日。設案於儀制司堂上正中。會同四譯館大使。引朝  
鮮國陪臣。服本國公服。入。儀制司郎中公服就案坐。  
吏奉時憲書置於案。贊禮者一人。立於案右。贊進。大  
使引陪臣詣案前。贊跪。陪臣跪。贊受朔。吏奉時憲書  
授陪臣。陪臣恭受。興退。乃歸報朝鮮國王。王朝服祇  
受如禮。遂頒布於其國人。

### 右朝鮮國受朔



大清通志 卷二十九  
歲立春前日。順天府府尹率所屬迎春東郊。如禮。詳見  
直製春山。按欽天監所推春圖。飾土牛及勾芒神。春  
省山一案。芒神執策。立土牛左。合設一案。各三案。送禮  
部。恭獻。

皇帝。

皇太后。

皇后。禮部豫取學弟子員七十有五人。天文生八人。於立  
春前一時。自部分昇案。依次由東長安門至。

午門外祇候。禮部尙書侍郎率其屬。順天府府尹具進  
春表章。及承率其屬。咸朝服。畢。會欽天監官報時。廂  
入自中門。執事者舉四案從。

昭德門至。

後左門外。禮部官屬前引。尙書侍郎及府尹從。內監接  
昇人詣。

乾清門前。引官止立階下。府尹於門外跪進表章。內監  
啟門。舉各案入。恭進。

皇帝。

皇后前。又奉一案從。



熙和門詣

永康左門外前引後從如儀內監接鼻人以獻

皇太后前各官出皆退

右進春

直省迎春之禮先立春日各府州縣於東郊造芒神  
土牛春在十二月望後芒神執策當牛肩在正月朔  
後當牛腹在正月望後當牛膝示民農事早晚屈立  
春日吏設案於芒神春牛前陳香燭果酒之屬案前  
布拜席通贊執事者於席左右立府州縣正官率在

大城文官丞史以下朝服畢詣東郊立春時至通贊贊  
行禮正官一人在前餘官以序列行就拜位贊跪而  
興衆行一跪三叩禮執事者舉壺爵跪於正官之左  
正官受爵酌酒酌酒三授爵於執事者復行三叩禮  
衆隨行禮興乃昇芒神土牛鼓樂前導各官後從迎  
入城置於公所各退

從耕順天府備



古直晉與春

人祗書外公祖各殿

衆議行斷興以旱苦輸土半楚樂前應各官分分  
五宮受籍西西西西三姓爵外特事各爵行三甲斷  
與衆行一亂三甲斷特事各舉愈爵強然五宮之立  
行斷五宮一人查前特官以取既外行拜外贊亂中  
地文官丞史以才博學請東校立春親至農贊贊

大清通禮卷之三十一

嘉禮

歲仲春吉亥

皇帝躬耕

帝藉之禮前期禮部疏請得

旨徧布諸司供備

詔親王郡王三人六部都察院通政司大理寺卿貳九人

從耕順天府備

躬耕絲鞭耒耜飾以黃服耜黃犢稻種壽箱備從耕三至



麥穀九卿豆黍青箱鞭及耒耜朱飾服耜黝牛皆依期畢辦

右戒辦

先一日遣官祇告

奉先殿是日黎明順天府官豫設案二於

太和殿東檐下以龍亭三分載

躬耕鞭耒種箱采亭四分載麥穀豆黍種箱鑿儀衛備曲

蓋御仗樂部和聲署設鼓吹均埃於

午門外府尹率屬奉耕器人陳於第一案鞭左耒右奉

種箱陳於第二案稻種中肆麥穀左豆黍右

皇帝御中和殿閱

先農壇祝版畢儀詳吉禮記注官退埃丹墀

皇帝暫

御保和殿戶部尚書侍郎率屬舉案入

太和殿南左門出

殿北左門詣

中和殿內正中陳鞭耒案於北陳種箱案於南皆東西肆遂及禮部尚書侍郎序立丹陛之南重行西面禮



大清通禮 卷三十一  
部尙書奏請

御中和殿。記注官升西階。復位立。

皇帝御殿。

閱耕器。五穀種。畢奏禮成。

皇帝出殿門。乘輿還宮。扈從如儀。戶部官舉案。復於

皇帝右殿東檐下。順天府官升左階。徹案。奉鞭耒種箱出。

次農暨畝。設各亭內。鑾儀校昇行。前列徹仗。導迎樂作。

奏禮平之章。辭曰。晨作農正。鸞輅勸耕。種稔嘉種。降

康延慶。帝藉開。農政行。我稼同。明賜成。出。

大清門。

正陽門。由

先農壇東門。詣藉田耕所。

右閱耒耜穀種。

是日。工部官灑掃。

觀耕臺上下。藉以稷薦。張次於具服殿之東。設

御屏。

寶座。於臺上正中。南向。武備院官供

御座鋪陳。順天府官陳

大清通禮

卷三十一

三



御鞭種箱龍亭於藉田之左。陳耒耜龍亭於藉田之右。陳麥穀豆黍種箱采亭於從耕藉田左右。陳耕器農器於臺下東西兩旁。如儀。

右陳設

乃辨位藉田之北正中爲

皇帝躬耕位。戶部尙書一人。在右。順天府府尹一人。在左。禮部尙書一人。太常寺卿一人。鑾儀衛使一人。在前。耆老二人。農夫二人。掌耕犢。鴻臚寺序班。表左右。從耕田首。東班王一人。戶部兵部工部通政司各一人。

西上。西班王一人。吏部禮部刑部都察院大理寺各一人。東上。皆順天府官屬丞倅二人。從耆老一人。農夫二人。掌耕牛。樂部典樂一人。和聲署正二人。丞二人。立於藉田南。北面。工歌禾詞者十有四人。司金司鼓司板司篋司笙司簫各六人。頂帶耆老四人。披蓑戴笠執錢鎛者二十人。麾五色采旗者五十人。耆老三十有四人。農夫三十人。相開爲班。魚貫東西序立。署正一人。立於北。東面。鴻臚寺鳴贊一人。立於東。西面。一人立於西。東面。侍儀御史二人。分立鳴贊官之



北。東西面。記注官四人。立臺南階下之西。東面不從耕。王公大學士及三品以上官。夾臺東西隅。翼立陪位。

右序位

鑾輿出宮

儀詳吉禮

屆日

皇帝親饗

先農

儀詳吉禮

禮畢。前引內大臣贊引。對引太常寺卿恭導。

皇帝詣具服殿。更黃龍袍。少候。鑾儀衛官率輿尉。廻輿於

觀耕臺東階外。從耕三王九卿暨陪位王公以下。咸蟒

袍補服。詣耕藉所。按班東西祇候。執事官依位序立。

禮部尚書太常寺卿奏時。遂及前引大臣十人恭導。

皇帝出殿。南向詣耕藉位。和聲署正舉旗三麾。歌工樂工

以下。齊赴藉田北。前引大臣退於兩旁侍立。從耕三

王九卿就耕位。東西面立。鳴贊贊進耒耜。戶部尚書

奉耒耜。贊進鞭。順天府府尹奉鞭。均北面跪進。興退。

皇帝右秉耒。左執鞭。禮部尚書太常寺卿鑾儀衛使恭導

行



躬耕禮耆老牽牛農夫扶犁順天府府尹執青箱戶部尙  
書隨播種左右鳴金鼓采旗招颺工歌三十六禾詞  
唱和從行辭曰光華日月開青陽房星晨正呈農祥  
帝念民依重耕桑肇新千藉考典章吉蠲元辰時日  
良蒼龍鑾輅臨天閭青壇峙立西南方犧牲簠簋升  
芬芳皇心祇敬天空莊黃幕致禮虔誠將禮成移蹕  
天田旁土膏沃洽春洋洋黛犁行地牛服韁司農種  
稔盛青箱洪縻在手絲鞭揚率先稼穡爲民倡三推  
一撥制有常五推九推數遞詳王公卿尹咸贊襄旬  
人于耦列鴈行耰鋤旣畢恩澤滂自天集福多豐穰  
來牟蕎薺森紫芒華薊赤甲秬稗秔秬秠三種黎白  
黃稷粟堅好碩且香縻芑大穗盈尺長五菽五豆充  
壠場粢粢縻繫九色糧蜀秫玉黍兼東廡烏禾同收  
除童梁雙岐合穎遍理疆千箱萬斛收神倉四時順  
序百穀昌八區九有富蓋藏歡騰億兆感聖皇  
皇帝三推三返每歲奉旨加一推一返畢歌止順天府府尹以青  
箱復於龍亭鳴贊贊受耒戶部尙書跪受耒耜贊受  
鞭順天府府尹跪鞭皆興復置各龍亭內



皇帝御補服。禮部尚書奏請

御觀耕臺。暨太常寺卿恭導

皇帝陞中階。

御寶座。後扈內大臣隨升立。

御座兩旁。記注官升西階。東面北上序立。從耕三王九卿

以次受鞭耒耜。耜老牽牛。農夫扶犁。順天府屬丞倅。一

人執青箱。一人隨播種。三王五推五返。九卿九推九

返。畢。釋鞭耒。入侍班位立。執事官以青箱復各采亭

內。序班引順天府官屬及耜老農夫。服本色服持農

器。至臺前西偏北面東上。重行序立。聽贊。行三跪九

叩禮。退至藉田終畝。

右親耕

禮部尚書奏禮成。

皇帝降東階。乘輿由

先農門出。

法駕鹵簿前導。導迎樂作。奏祐平之章。辭曰。翩彼桑扈。仁

氣布和。千畝親御。百祥膺荷。保介歆種。稔多。帝手推

民樂歌。



大清通志 卷三十一  
皇帝回鑾。王公從。各官以次退。不陪祀。王公百官朝服集。

午門外跪迎。

午門鳴鐘。王公隨。

駕入。至內金水橋。恭候。

皇帝還宮。各退。

右鑾輿回宮。

若逢

時巡省方

盛典。遣官祭。

先農壇。

儀詳吉禮。

禮畢。是日。順天府府尹率屬耕藉。九推九返。

農夫終畝。畢望。

闕行三跪九叩禮。儀與直省同。

奉天府直省府州縣各於東郊。

先農壇側。擇沃壤為藉田。歲仲春吉亥有事。

先農之日。省會總督若巡撫。率在城文官耕藉。是日。首縣

知縣視土宜。備穀種青箱朱鞭耒服耜。馱牛及他農

器。耕器豫陳耕所。耆老率農夫披蓑戴笠。俟於田間。

通贊學弟子員分立田首。又向。



闕張畫屏設香案一南向通贊立香案之南引班教諭訓導立通贊之南皆東西面致祭

先農

儀詳古禮

禮畢各官易蟒袍詣藉田通贊贊行耕藉禮督

撫以下就耕所執事者授耒耜與鞭皆右秉耒左執鞭進耕督撫以府佐貳官一人執種箱一人播種布政使按察使以首領官執箱播種各道以州縣佐貳官執箱播種知府知縣以丞史執箱播種皆耆老人率牛農夫二人扶犁各九推九返畢釋鞭耒以次序立田首西面北上農夫遂終畝告畢事各官補服

望

闕立通贊贊齊班引班分引督撫以下至香案前按班序立重行北面耆老農夫稍遠列行北面隨立贊跪叩興行三跪九叩禮興各退  
若府不附省州縣衛不附府者正官率佐貳丞史耕藉各以耆老二人執箱播種餘儀與省會同

右直省府州縣耕藉







嬪一人。公主親王福晉以下。縣君鎮國公夫人以上。三

人。文三品武二品官以上命婦四人。從蠶採桑掌儀

司治桑畦。飭採桑鈎筐。

皇后金鈎。

妃。

嬪銀鈎。均黃筐。福晉夫人命婦均鐵鈎。朱筐。依期畢辦。

右戒辦

皇后既以吉已饗

先蠶。儀詳禮畢。蠶已生。翼日。如蠶未生。則視蠶生。詠日。

皇后散齋一日。從採桑

如。

嬪福晉夫人命婦畢齋。宮殿監侍設案於

交泰殿內正中。東西肆。又設案於左右。南北肆。率內監

至

內右門祇候。是日執事官咸蟒袍補服。黎明。內務府官

以龍亭一。載

躬桑筐鈎。采亭一。載從採桑筐鈎。內鑾儀校昇行。掌儀司

官前導。總管暨蠶宮令。從。由



隆宗門至

內右門外亭止。宮殿監督領侍率羈宮令暨內監恭奉  
筐鈎。以次入

內右門陳

皇后筐鈎於

交泰殿中案陳

妃

嬪福晉夫人筐鈎於左案。陳命婦筐鈎於右案。皆筐左  
鈎右畢。乃奏時屆。

皇后吉服出。

御交泰殿。

妃

嬪隨出侍立。

皇后先闕鈎。次闕筐。既徧還宮。

妃

嬪從入。宮殿監侍奉筐鈎。仍置各亭內。以次昇行。出

內右門。授羈宮令。鑾儀校接昇前。引如初。至內務府署。

旗仗前導。導迎樂作。奏禧平之章。辭曰。戴勝告時。



陵肇典。爰舉懿筐。爰臨柘館。御鞠衣。登瑞蘭。金鈎陳。嘉義展。及西苑。奉宸苑卿。自門迎入。蠶宮令。分陳於採桑所。

右閱筐鈎

屆日。蠶宮令率內監潔掃具服殿內外。及

觀桑臺上下。藉以櫻薦。設

皇后觀桑寶座於臺北正中南向。供

御座鋪陳。臺下桑畦。東西首行第一株。爲

皇后躬桑位。東向。執鈎相儀一人。在右。執筐相儀一人。在

左。東西第二行一株。爲

妃。

嬪從採位。第三行一株。爲福晉夫人。從採位。第四行一

株。爲命婦從採位。執鈎筐蠶母各二人。皆在左右。傳

贊女官二人。在臺南左右北面。侍班。福晉夫人。命婦

在女官之南。東西面。內侍率童監歌採桑詞者十人。

司金鼓板篳篥簫者二十有四人。於臺前東西麾五

色采旗者四十人。於桑畦外東西分班序列。

右序位



是日黎明。蠶宮令啟西苑門。從桑侍班。福晉夫人命婦及執事女官。蠶母蠶婦成蟒袍補服。豫至西苑南門內。序立祇候。辰正二刻。禮部尚書內務府總管詣乾清門告時。巳初刻。宮殿監侍轉奏。

皇后御龍袍乘輿出宮。從桑

妃。

嬪蟒袍乘輿從。詣西苑。如饗先蠶儀。

右車駕出宮。

皇后駕至西苑。詣具服殿。少埃。傳贊分引

妃。

嬪福晉夫人命婦就從採位立。引侍班之福晉夫人命婦就侍班位立。執事女官暨童監咸依位序立。典儀奏請

皇后行躬桑禮。

皇后出具服殿。前引後從如常儀。至桑畦北正中。相儀女官一人奉鈎。跪進於右。一人奉筐。跪進於左。與

皇后右持鈎。左持筐。東行。桑畦外采旗招颺。臺前內監鳴



金鼓歌採桑辭。日躬耕禮成。詔躬桑。蠶月吉。已迎辰  
 祥。金華紫闕。五翟光。瑞雲彩映。椒塗黃。壇南宿戒。帷  
 宮張。西陵展事。搖珩璜。齋肅恭敬。柔雍彰。金鈎綠籬  
 懿。莒筐。尚功司製。奉以將。柔條在東。涵露香。鞠衣三  
 摘。鳴鳩翔。月靈臨。賁龍精昌。黼黻五色。質且良。昭事  
 上帝。祠蒸嘗。儀刑宇宙。帥妃嬪。衣食滋殖。被萬方。  
 皇后至東第一株桑前。東向採桑一條。蠶母二人助採。復  
 行至西第一株桑前。東向採桑二條。蠶母助採。亦如  
 之。採畢。歌止。各退。

皇后以鈎筐授相儀。相儀二人。跪授於左右。興復於龍亭。

退埃臺隅。典儀奏請

御觀桑臺。贊引對引。命婦恭導

皇后陞臺御座。

妃。

嬪以下。採桑。各蠶婦一人授鈎。一人授筐。二人助採。

妃。

嬪福晉夫人。採桑五條。命婦採桑九條。畢。咸釋鈎筐。投

蠶婦。復於采亭。



妃。

嬪登臺侍立。

皇后寶座前左右。福晉夫人命婦。退入侍班位立。執鈎筐。

者皆退。典儀相儀各女官。斂諸筐。次第置於臺南。傳

贊引蠶母。蠶婦至臺前。北面跪。典儀舉

皇后懿筐授蠶母。蠶母恭受。次舉

妃。

嬪以下從桑各筐。授蠶婦。蠶婦受訖。皆與奉筐至蠶室。

切之。蠶婦灑箔。禮成。

右親桑

蠶母以禮成告典儀。典儀跪奏。

皇后駕興。贊引對引恭導。

皇后詣具服殿。典儀奏陞座。

皇后陞寶座。傳贊分引

妃。

嬪以下東西序立。次福晉。次夫人。次命婦。次蠶母。蠶婦。

東位西上。西位東上。皆北面。傳贊贊跪叩。與皆行六

肅三跪三拜禮。興退。典儀奏禮畢。



大清通志 卷三十一  
皇后降座。陞輿。警蹕。

妃

嬪從。還宮。如來儀。福晉以下皆退。

右禮成回宮

及蠶成。蠶母蠶婦。擇繭貯筐。以獻

皇后。

皇后獻於

皇帝。

皇太后。乃擇吉日。

皇后行纒。三盆手禮。採桑

妃

嬪從。纒是日。乘輿出宮。警蹕如常。至織室。纒盆前。

妃

嬪侍立。蠶母漬繭於盆。以手出緒。握其總。跪進

皇后。

皇后受總。親纒三。少退立。

妃

嬪進纒。以五爲節。遂布於蠶婦之吉者。使纒禮畢。乘輿



還宮警蹕。如來儀。

右獻繭繅絲

大清通禮卷之三十二

嘉禮

恭進

實錄

聖訓之禮。監修總裁官撰表章豫諏進呈吉日奏

聞。禮部轉飭諸司供備。前期內閣擬

制辭及慶賀致辭。皆隨時撰擬。恭呈

欽定。付鴻臚寺屆期陳

法駕鹵簿樂懸於



太和殿前如常儀。禮部鴻臚寺官設書案於保和殿內正中。設表案於門外之左。均東西肆。工部官陳香亭龍亭表亭於

實錄館。鑿儀衛備黃蓋龍旗御仗。樂部備導迎樂。如儀。監修總裁提調纂修各官。祇候館內。王公按翼祇候內金水橋北。文武百官祇候橋南。均朝服。舉案侍衛祇候保和殿外。內監祇候乾清門外。均蟒袍補服。質明。監修官奉表於亭。纂修各

官恭奉

實錄

聖訓。設龍亭內。訖。行三跪九叩禮。興。校尉昇行。繖仗前導。導迎樂作。奏禧平之章。辭曰。昭示無垓。謨烈聿皇。垂布方策。日星輝朗。配典墳揚耿光。永釋思。綏萬邦。進協和門。香亭龍亭循中道入。太和門。王公百官跪。候過。興。表亭循道左入。太和左門。監修總裁以下官隨入。以次陳亭於殿階下。監修官恭奉表文。纂修官詣亭跪。三叩。興。恭奉

實錄



大清通志 卷三十一  
聖訓。亭徹鴻臚寺卿二人。引奉書官升中階。由

太和殿中門入詣

保和殿。陳於中案。監修官奉表文。升左階。由

太和殿左門入詣

保和殿。陳於門外東案。及總裁提調各官。於丹陛東。北面。行三跪九叩禮。興。咸西面序立。王公。由

太和左右門。文武百官。由

昭德門。

貞度門入。序立。如常朝儀。禮部尚書侍郎奏請

御殿。遂前導

駕

皇帝禮服。乘輿出宮。後扈大臣侍衛從。至

保和殿後階。降輿入

御殿。侍衛布拜褥於書案前。禮部尚書侍郎恭導

皇帝就拜位。北向。敬受

實錄。

聖訓。行三跪九叩禮。興。退立案東西向。侍衛進舉書案及表

案由



殿北門

乾清門內監恭接送入

大內監修總裁以下各官出詣

太和殿丹墀入百官班內序立

右臨軒受書

禮部尚書侍郎奏受書禮成恭導

皇帝御中和殿侍班執事官行禮如儀畢乃

御太和殿前引後扈

午門鳴鐘鼓作樂鳴鞭均如常朝儀鴻臚寺卿二人立

東檐下記注官侍班執事官各依常位立鳴贊贊齊

班王公百官咸就拜位立贊進皆進贊跪皆跪鴻臚

寺卿一人進至

殿中楹外北面跪代奏臣工慶賀致辭畢興又一人出

自丹陛前西面宣

制答致辭畢皆退復位贊叩興丹陛大樂作王公百官行

三跪九叩禮畢

皇帝還宮鳴鞭作樂扈從如儀王公百官皆退翼日

賜監修總裁以下各官燕於禮部如儀

詳筵燕儀



右臨軒受賀

恭進

實錄

聖訓禮畢。監修官別繕

皇史宬

盛京藏本及內閣副本各一部。既告竣。禮部諏吉奏

聞分送尊藏。恭送

皇史宬之禮。屆吉日。所司設香亭龍亭黃蓋龍旗御仗

鼓樂於館。如前儀。黎明監修總裁率提調纂修各官

朝服詣館。恭奉

實錄

聖訓。陳於龍亭。訖。行三跪九叩禮如儀。校尉昇行繳仗前導

導迎樂作。樂章樂出

東華門。各官隨行。詣

皇史宬。亭止。恭奉

實錄

聖訓入於金匱。各官行禮如初。禮畢。皆退。是日。纂修官以

本送內閣尊藏。



右送皇史宬尊藏

恭送

盛京之禮先期禮部轉飭諸司供備

欽命禮工二部尙書或侍郎各一人率其屬一人在館提

調官一人纂修官二人欽天監官一人護送工部備

車馬於朝陽門外按

實錄

聖訓函數製行箱備香亭龍亭鑿儀衛備黃蓋龍旗御仗樂

部備導迎樂屆期均祇候於館監修總裁官率提調

纂修恭奉

實錄

聖訓於行箱陳於龍亭豫設館內正中護送官朝服詣館行

三跪九叩禮畢校尉昇行繖仗前導導迎樂作

樂章樂備見前護送官從出朝陽門外樂止載以車馬進發所經

地守土文官沿道路橋梁駐宿次舍武弁率士卒前

後防護皆朝服跪迎道右送亦如之至

盛京城外將軍五部侍郎府尹丞咸率其屬朝服出郊

跪迎備香亭龍亭鼓樂奉迎以入恭設於



大清通志 卷三十二  
宗政殿內各官按品列行序立行三跪九叩禮。欽天監  
官豫諏尊藏吉日。屆期恭昇龍亭詣  
翔鳳樓前提調纂修僧五部司官恭奉

實錄。

聖訓登樓尊藏於金匱。既畢各官行禮如初皆退。

右送盛京尊藏

玉牒告成恭進

御覽監修諸王大臣豫諏進呈吉日奏

聞。禮部轉飭諸司供備。屆期禮部鴻臚寺官設案於

中和殿內正中。均東西肆。又設案於左右兩旁。均南北

肆。工部官備龍亭采亭於宗人府

玉牒館。龍亭正舉南向。采亭左右肆。東西相向。鑾儀衛備

黃蓋龍旗御仗。樂部備導迎樂。如儀。總裁王。大學士

尚書。率提調纂修各官朝服。祇候館內。贊明宗人府

官奉

玉牒。分隊於龍亭采亭訖。總裁以下各官詣龍亭前。行三

跪九叩禮。與校尉昇行。龍亭在前。采亭在後。總裁

下乘馬從。繼仗前導。導迎樂作。奏禧平之章。



賦滋長。椒實衍昌。公姓千億。福疇維嚮。定角仁。紫蒂  
皇。錫類洪。咸樂康。由

大清中門入。至

天安門外。各官下馬從。至

午門外。王下馬從。至

太和殿階下。纂修官恭奉

玉牒。以次升階。請

中和殿。分置各案。訖。王於階前。大學士以下各官於丹  
陛南。均北面序立。行三跪九叩禮。與進詣中案。恭展

玉牒。退至

殿外侍立。禮部尚書侍郎奏請

御殿。遂前導

駕。

皇帝禮服。乘輿出宮。

御中和殿。立於案左。西向。禮部尚書奏視

玉牒。恭導

皇帝詣正中。北面。視中案所展

玉牒。畢。



皇帝還宮。導從如儀。總裁率提調纂修官奉

玉牒詣

乾清門。授內監接入。

右臨軒親受

禮部官移龍亭采亭於

乾清門外。所司設黃蓋龍旗。御仗於

太和殿階下。設導迎樂於

東華門外。恭奠

御覽畢。內監奉

玉牒出。提調纂修官接奉。分設龍亭采亭內。校尉昇行出

保和殿。

中和殿。

太和殿。繖仗前導。由

太和門。

協和門。

東華中門出。導迎樂作。

樂章樂辭見前

諸王大臣纂修各官從

詣

皇史宬。敬奉尊藏畢。各退。翼日。



賜監修各官燕於禮部

詳筵燕儀

右送皇史宬尊藏

玉牒告埃總裁官別繕

盛京藏本禮部諏吉奏

聞遣總裁王大臣一人提調官一人纂修官二人禮部工

部大臣司官各一人欽天監官一人自宗人府恭送

盛京尊藏於

敬輿

崇謨二閣與恭送

實錄

聖訓儀同

右送盛京尊藏

禮部

奏

翰林院奏定滿漢講官各一人直講經書學院

士監直講官擬篇目撰講章致進

御覽



古義盈京尊難

望臨辨同

寶殺

大清通禮卷之三十三

嘉禮

皇帝經筵之禮。歲春秋仲月。

皇帝將舉

經筵。禮部承

旨。諏吉奏

聞。豫期。翰林院奏定滿漢講官各二人。直講經書。掌院學

士。暨直講官。擬篇目。撰講章。豫進

御覽

大清通禮

卷三十三

一



欽定翰林院恭繕以竣

右戒辦

屆期祇告

傳心殿

先聖

先師

皇帝親詣於前一日遣官於屆日黎明將事如儀詳見前禮

右祇告

是日五鼓所司潔掃

文華殿內外武備院官供

御座鋪陳禮部鴻臚寺官設

皇帝書案於

御座前南向設講案於

殿內正中北向黎明翰林院官恭奉

御覽講章陳於

皇帝書案書左經右奉進講副本陳於講案書設案左經

設案右畢退

右陳設



辨班位。講官滿八人位。

殿內東柱之南。西面。漢八人位。西柱之南。記注官在柱西。均東面。侍班。內閣大學士。吏部。戶部。禮部。尚書侍郎。通政司使。副使。詹事府詹事。少詹事。位滿講官之後。東班。西面。兵部。刑部。工部。尚書侍郎。都察院左都御史。副都御史。大理寺卿。少卿。位。漢講官之後。西班。東面。若衍聖公來朝。居東班之首。侍儀。東班。給事中二人。西班。監察御史二人。位於班末。鴻臚寺卿二人。鳴贊二人。位東西檐下。皆東西面。北上。丹墀立位。以品為序。東西

面迎。

駕南上。送。

駕北上。拜位。序品。亦如之。東位。西上。西位。東上。重行北面。

右序位。

大昕。講官侍班。侍儀暨執事官。皆服集。

文華殿丹墀內。按班序立。禮部侍郎二人。詣

乾清門。奏時。遂前導。

駕。

皇帝常服。乘輿出宮。扈衛如常儀。由



後左門出左翼門詣

文華殿丹在上降輿

御寶座後扈內大臣立

御座旁左右導

駕禮部侍郎於門外左右侍衛於階下左右立記注官升

西階入

殿右門就位鳴贊官升東西階就位立贊齊班講官侍

班糾儀各官就丹墀拜位立贊跪叩興行三跪六叩

禮興鴻臚寺卿一人引滿講官升東階北由

殿左門闌右入侍班官升階南由闌左入一人引漢講

官升西階北由

殿右門闌左入侍班官升階南由闌右入左右糾儀官

隨入成依位序立鴻臚寺卿退就檐下立鳴贊贊進

講滿漢直講官出班詣講案前跪三叩興退復位滿

直講官一人出東班南行數武西趨及中門左楹前

折旋北面就案左展書宣講畢却退折旋東趨復位

漢直講官一人出西班東趨逾中闌及左楹前折旋

北面就案左講書畢却退折旋西趨復位



皇帝闡發書義。講官暨侍班官跪聆畢。與又滿直講官

人。出班。西趨。逾中闕。就案右。漢直講官一人。出班。東

趨。就案右。先後講經畢。却退。復位。

皇帝闡發經義。各官跪聆亦如之。鴻臚寺卿引由左右門

出。降階。就丹墀。拜位北面序立。內監設坐氈於

殿內。東西二行。各官聽贊。行禮如初。

右進講

鴻臚寺卿復引各官升東西階。進

殿內。按品分行序立。

皇帝賜羣臣坐。皆一明列坐。

賜茶如儀。詳朝賀儀仍引出。降階。至丹墀。東西序立。禮部侍郎

奏禮成恭導。

皇帝陞輿還宮。扈衛如來儀。翰林院官奉講章正本授內

監。各官咸退。是日燕在位。各官於

協和門。詳筵燕儀

右禮成還宮。

及各氏子孫見列朝官者。直省在京之進士舉人。及



杏甌如殿宮

謝味門 燕樂

盥各官如殿是日燕齊於各官外

皇帝聖輿殿宮鳳轎吹來謝鐘林刻官奉勅章五本殿內

奏甄如恭樂

顯茶吹謝 贊樂 出羽胡廷丹東西南立甄時有源

皇帝聖輿出坐骨一四低坐

大清通禮卷之三十四

嘉禮

皇帝臨雍之禮

命下禮部取吉具疏以

聞徧布諸司供備豫期行取衍聖公五經博士孔氏裔俊

秀五人東野氏孔氏顏氏曾氏孟氏仲氏閔氏冉氏

言氏卜氏顓孫氏端木氏有氏裔各二人乘傳赴京

及各氏子孫覓列朝官者直省在京之進士舉人貢

監生各學教習肄業諸生成詣太學觀禮國子監祭



大清通志 卷三十四  
酒司業擬經書篇目。撰講章。豫進

御覽

欽定。恭繕以竣。

右。諏日戒辦

屆期五鼓。國子監祭酒率屬灑掃學宮內外。工部司

官張

御幄設

寶座於彝倫堂正中。南向。武備院官供

御座鋪陳。鴻臚寺官於幄前稍左設經案。東西肆。左右各

設講案。均南北肆。未明。祭酒奉

御覽講章。陳幄左案。書左。經右。奉進講副本。陳書於左案。

陳經於右案。退。

右陳設

辨堂內外班位。講官。滿漢祭酒二人。位堂內左案。西

面。滿漢司業二人。位右案。東面。記注官位西柱下。東

面。侍班。王公位講官後。大學士。九卿。詹事。位王公後。

糾儀。給事中。御史。位班末。聽講羣官。暨諸生。位東

階下。執事。舉經案。國子官二人。位堂左右門內。鴻臚



寺鳴贊二人立東西檐下。宣制官一人立東鳴贊官之右。序班二人立於階上。又序班四人分立庭內左右。皆東西面。北上。辨庭中拜位。東班。衍聖公祭酒。西班。司業。率國子官各學教習。五經博士。進士。舉人。聖裔賢裔。如見列朝官則以品序。貢監生。東位西上。西位東上。皆重行北面。

右辨位

鑾輿出宮。儀詳吉禮。

皇帝詣

大成殿釋奠

先師。詳吉禮釋奠儀。禮畢。出大成門。就大次更補服少俟。王公以

下。咸更補服。王公於大次之南祇候。大學士。偕朝官。

衍聖公。率五經博士。聖裔賢裔。先詣彝倫堂庭內。東

西祇候。祭酒。司業。率所屬及各學教習。進士。舉人。諸

生。於太學門內階下。東西序立祇候。禮部尚書奏請

皇帝詣彝倫堂行講學禮。太學鳴鐘鼓。

皇帝出大次。至廟門外。乘輿。前引後扈。如常儀。禮部尚

侍郎恭導入太學中門。王公隨入。祭酒以下跪。候



興均隨入。

皇帝陞堂降輿。

御寶座。禮部尚書侍郎前引內大臣止立門外。侍衛夾兩階翼立。後扈內大臣於

御座兩旁侍立。王公立階上左右。記注官升西階。入右門。就位。執事官咸就位。鳴贊贊齊班。序班分引衍聖公祭酒司業以下。至庭東西拜位。北面立。贊進。衆進。贊跪叩。興。行三跪九叩禮。興。退復位。

皇帝賜王公大臣坐。鴻臚寺官引王公由左右門入。序班引衍聖公大學士九卿詹事升東西階。隨入。咸按班就位。一叩坐。翰詹四品以下官國子官六堂各學師儒五經博士各氏後裔進士舉人肄業諸生進就東西階下。圓堂外聽講。鳴贊贊進講。滿漢祭酒二人升東階。入自左門。司業二人升西階。入自右門。均北面立。贊舉案。國子官進舉經案。恭設

御前。

皇帝賜講官坐。祭酒司業各就東西講案。一叩坐。祭酒次講書義。司業以次講經義。講畢。贊舉案。國子官



經案復幄東出。王公大臣起立。聽講官退復位。祭酒司業出降階。復庭中東西拜位。國子官各學教習進士舉人諸生從就拜位。北面立。

右講書

禮部尚書進奏傳

制。鳴贊贊有

制。祭酒以下皆跪。宣制官進至中門左。宣

制曰。聖人之道。如日中天。講究服膺。用資治理。爾諸師生其勉之。宣畢退。鳴贊贊叩興。祭酒以下。行三跪九叩禮。

興。以次先詣成賢街道右。序立祇候。

皇帝賜王公大臣茶。如儀。詳見朝儀畢。仍引自左右門出降階。

東西序立祇候。禮部尚書奏禮成。

皇帝降座乘輿。扈衛如來儀。由太學門出。祭酒以下咸跪

送候。

駕過興退。

法駕鹵簿前導。導迎樂作。奏禧平之章。辭曰。崇聖尊道。乾德下交。思樂多士。化流芹藻。鼓篋徵經。術昭聽講。環

宏育陶。



皇帝還宮

儀詳吉禮

右禮成回鑾

臨雍禮成。衍聖公率五經博士各氏後裔祭酒司業率屬暨各學教習進士舉人貢監肄業諸生各具表送禮部翼日五鼓鴻臚寺官豫設表案於

太和殿內之左。南北肆。禮部儀制司官奉表陳於案。樂部率和聲署入展樂懸鑾儀衛率官校入陳。

法駕鹵簿均依常次。記注官侍班執事各官王公文武百官立位拜位。如三大節朝賀儀。辦丹墀內謝。

恩班位。衍聖公祭酒在東。司業在西。國子官各學教習五經博士進士舉人各氏後裔貢監生。以次從東西班後。立位東西面。北上拜位。北面。東班西上。西班東上。與太學行禮同。漏未盡。王公百官朝服畢會。如常儀。五經博士暨諸生各以其職公服隨會。

午門外闕下質明。鴻臚寺序班以次引入。執事官咸入就位。禮部尚書侍郎奏請

御殿。

午門鳴鐘鼓。



皇帝禮服乘輿出宮。

御太和殿作樂。鳴鞭。並如常儀。丹陛樂作。鴻臚寺序班分

引謝

恩各官就丹墀東西拜位。北面立。鳴贊贊進。皆進贊跪。皆

跪。樂暫止。贊進表。宣表官入。

殿左門就案奉衍聖公表文出。至檐下正中北面跪。大

學士二人左右跪。展表宣表官宣畢。興。仍奉進復於

案。祭酒表設而不宣。退。樂作謝。

恩各官聽贊行三跪九叩禮。興。引退復位。樂止。

賜王公大臣衍聖公祭酒。司業茶。畢。鳴鞭作樂。

皇帝還宮。禮均與朝儀同。禮部官以表送內閣。王公百官皆退。是

日。

賜衍聖公等燕於禮部。詳筵燕儀。

右表謝

皇帝東巡狩。詣

闕里。講書於詩禮堂。前期禮部具奏。

命行在大臣會衍聖公。選聖裔賢裔二人。充經書直講。

林院官擬篇目。撰講章。豫進



御覽

欽定恭繕以俟。

右戒辦

屆期工部官張

御幄設

寶座於詩禮堂正中。南向。武備院官供

御座鋪陳。鴻臚寺官於

御幄前。設經書案。堂東設勅案。均東西肆。設講案於西檐

下。南北肆。是日黎明。內閣中書奉

勅。陳堂內東案。翰林院官奉

御覽講章。陳於幄前中案。奉進講副本。陳於講案。皆書左

經。右畢退。

右陳設

辨班位。記注官立堂內西柱下。東面。大學士一人。立

東檐下。宣勅官一人。立大學士後。皆西面。鴻臚寺卿

二人。鳴贊二人。立東西階上。東西面。序班二人。立於

庭西。執事官一人。立序班之下。均東面。

右序位



鑾輿出行宮 儀詳吉禮。

皇帝詣

大成殿釋奠

先師。詳吉禮。闕禮畢。出同文門。至奎文閣前。就大次。少

埃。扈從大學士以下。京堂。科道以上。守土官。巡撫。司

道。於承聖門左。以次序立。衍聖公。率東野氏。孔氏。顏

氏。曾氏。孟氏。仲氏。閔氏。冉氏。言氏。卜氏。顓孫氏。端木

氏。有氏。五經博士。及直講官。於門右。以次序立。禮部

尚書奏請

皇帝詣詩禮堂行講學禮。

皇帝出大次。乘輿。前引後扈。如常儀。至承聖門外。各官跪

迎。候過輿。隨入門內。左右序立如初。司道官候於門

外。

皇帝至詩禮堂前降輿。

御寶座。禮部尚書侍郎前引內大臣。止立門外。侍衛夾東

西階下翼立。後扈內大臣於

御座兩旁侍立。記注官升西階。入右門。就位。大學士升

階。立東檐下。執事官咸入就位。鳴贊贊齊班。序班引



行聖公以下。就庭西拜位。北面立。贊跪叩興。行三跪九叩禮。興。贊講書。直講一人出班。升西階。詣講案前。跪。三叩興。就案西。東面。講四子書。畢。降階。復位。次直講一人出班。升階。講經。如講書之儀。

右進講

鴻臚寺卿進至中門之左。奏宣

勅。鳴贊贊跪。衍聖公以下皆跪。大學士入左門。就案奉勅。出堂中門。授宣勅官奉至階前。西面宣

勅。曰。至聖之道。與日月並行。與天地同運。萬世帝王咸所師法。下逮公卿士庶。罔不率由。爾等遠承聖澤。世守家傳。務期型仁講義。履中蹈和。存忠恕以立心。敦孝弟以修行。斯須弗去。以奉先訓。以稱朕懷。爾等其祇遵母替。宣畢。奉

勅。降中階左。西面。授衍聖公。衍聖公恭受。執事官趨進。跪。奉以興。退。贊叩興。衍聖公率博士以下。謝。恩。行三跪九叩禮。興。豫往毓粹門外。祇候。各官咸出。禮畢。尚書奏禮成。

皇帝降座。導從如來儀。至毓粹門。就大次。更常服。出祇謁。



孔林儀詳禮畢吉禮

還行宮各退。

右禮成還行宮

大清通禮卷之三十五

嘉禮

貢舉之禮以子午卯酉歲秋八月

如特開恩科不拘年閒以二月

大比直省府州縣學諸生而賓興之日鄉試順天鄉

試府尹領之府丞提調試闈內外事宜各府州縣禮

送學政所錄羣士赴

京師國子監錄肄業貢監生送府提調官按府州縣簿

籍應試諸生序定名冊備試卷依時畢辦將屆期禮

部疏請



命正考官一人副考官一人同考官十有八人內簾監試御史收掌官各二人外簾監試御史四人外闈巡察御史四人受卷彌封謄錄對讀四所官各四人試前三日傳集疏列各官平明朝服會

午門外闕下祇候

旨下內閣禮部侍郎一人率官屬詣內閣奉疏出承命各官出班餘退侍郎朝服直

闕左門前西面立官屬奉疏從考官以下序立於甬道東北面重行西上官屬起函以疏授侍郎各官跪侍

郎以次展疏宣

旨訖授官屬納於函退各官均行三跪九叩禮興皆退出

東長安門赴順天府筵燕

許筵燕儀

遂偕府丞入闈御史

會封內外諸門以時啓閉稽出入

右命試官執事官

試前二日巡察御史啓門進試卷及謄錄生醫匠吏役皆搜檢乃入闈門提調官監試御史坐至公堂籤掣四所官各治其事視吏鈐諸生坐號於卷面以待號舍按冊序次書諸生姓名於版版率五十人以待



唱名序進

右外簾供備

試前一日五鼓順天府尹詣試院考官奏講題目內

簾吏傳金外簾吏報鼓考官奉奏章立內龍門內提

調官立於門外監試御史會啓門凡內龍門啓閉傳金報鼓為節皆監

試御史會蒞考官跪舉奏章授提調官提調官跪接

之後仿此興闔門由中道降鼓吹作監試御史啓外龍門及二

門巡察御史會啓大門凡大門啓閉以鼓吹為節皆監試巡察御史會蒞之後仿

此府尹立門外丞授府尹如前儀闔門入府尹詣

乾清門轉奏

皇帝命首場四子書暨二場五言八韻排律詩題目緘封

加函府尹奉詣試闈轉授考官啟門闔門均如前儀

考官跪接入恭瞻並出論題付梓人刊題紙

右命試題

是日出諸生姓名版分設東西門外持版胥一人主

進吏一人平明應試諸生畢集主進吏以版序諸生

於門外胥持版先由東西門魚貫序進受照入簽宛

平大興二縣蒞之又進聽唱名巡察御史蒞之又進



聽搜檢及大門再聽搜檢皆

欽命大臣泣之。迺交照入簽。主進吏以版出諸生進至二門。聽唱名給卷。監察御史泣之。入外龍門。歸號舍。晡後畢入。御史闔內外門。鎖鑰加封。會提調官視吏。編封諸號舍門。禁斷出入。及夜。明燈嚴棘。巡警試日。五漏交。考官函封題目。由提調官轉授府尹。送內閣。

恭進

御覽啟門。闔門如請題目之儀。漏未盡。復啟內龍門。考官坐門內。提調官坐門外。吏昇題紙及門。提調吏於門外。接出闔門。以題紙徧布諸生。供給官早晚具食飲。送號舍。皆提調官泣視之。越日完卷。提調官會御史啟號舍門。諸生持卷赴至公堂。交受卷官。鼓吹作啟門。各給照出簽。序出。二場試排律詩。欽命題目。五經義。二場試策均由考官擬題目。儀與首場同。

右考試

既畢試。受卷官斥去不合式者。彌封所糊姓名。坐號別鈴內號。登諸簿籍。謄錄所易書。以朱對讀。所校訛訛錯。改注以紫。皆提調官泣視之。既畢。外監試視吏。



送入內簾內監試視收掌官受卷啟門闔門如初乃分朱卷於同考各官閱以藍筆有佳卷則薦內監試書薦官職銜送考官閱以墨筆入選之卷副考官書取正考官書中不入選者批摘瑕疵三場試卷皆如之閱將畢豫擇揭曉日移提調官轉飭內外供辦前三日考官選中式上卷十本密封具奏由提調官轉授府尹進呈

御覽

皇帝親定甲乙封還考官均如請題

命題之儀考官祇受啟封及中式諸卷各書名次於卷首前一日設案於內簾堂內正副考官府尹案南向提調監試官北向同考官東西向設勝案於中設卷案於考官案前晡後府尹齎印至闈提調監試官啟大門延入遂徧鎖諸門及夜明燭內簾官於內龍門內府尹及外監試官於門外啟門吏奉印前府尹入各官皆入相見揖升堂吏置印於府尹案上外簾吏昇墨卷陳於堂東內簾吏昇中式朱卷陳於卷案書勝吏以勝紙設於勝案均立其次御史封龍門嚴出入



衆揖就位。吏啟箱取朱卷置案上。啟封高唱卷面名次。及內號。堂東吏檢墨卷持至案前校對。朱墨卷相符。遂折墨卷彌封。以墨卷授正考官。書名次。以朱卷授副考官。書姓名別錄一紙授吏。依次唱姓名。及某府州縣某生。習某經。徧告在位者。書勝書題名錄。既畢。吏斂朱墨卷于箱。奉印鈐勝封。題名錄於函置中案上。前設香案。主考官以下。更朝服詣香案前。重行北面行三跪九叩禮。興傳金報鼓。自內龍門至大門洞。開輿人以采亭入。勝出。吏奉印前。府尹與考官揖出。及至公堂。陳勝於亭。昇行。鼓吹前導。懸揭順天府衙前各官皆出。提調官以題名錄送內閣。恭進御覽。以卷送禮部。考官復

命事竣。退翼日筵燕於順天府。如儀。詳筵燕儀。

右揭曉

直省鄉試布政使司領之。監臨以巡撫。提調監試。以各道或府佐。將屆期。禮部疏列京朝官進士出身資階及格者。密題請。每省

命考官正一人。副一人。侍郎宣



百於  
 午門外。如儀給乘傳。分詣典試之省。各省巡撫豫調取  
 所屬科目出身府佐及州縣充內簾同考官及外簾  
 四所官。畢。埃省會。布政使司簿籍應試諸生。備試卷  
 治試闈內外事宜。依時畢。辦考官至。居館於外。提調  
 官資廩餼。謹其出入。試前二日。筵燕於布政司堂上。  
 如儀詳筵燕儀遂偕監臨提調監試內外簾各官入闈考  
 官擬題目。試士監臨官疏進

御覽。並達禮部。揭曉前夕。布政使齎印入闈。鈐榜。揭榜於

布政司衙前。翼日。筵燕如儀。詳筵燕儀監臨官上題名錄

解中式朱墨卷。考官選試藝。每題一篇。授布政使刊

試錄。送禮部彙進

皇帝仍乘傳以事竣復

命其試士儀注與順天府鄉試同

右直省鄉試

鄉試之明年。以丑未辰戌歲。三月特開恩科。間試天

下貢士於禮部。日會試。豫年十一月。禮部疏列郎中

員外郎主事請



命正副提調各一人及本年正月疏請

命侍郎一人充知貢舉直省布政使司禮送府州縣所貢

士赴

京師提調官治試闈內外事宜簿籍直省貢士按府序

定名冊備試卷依時畢辦試前五日禮部疏請

命考官同考官監試巡察及四所執事各官宣

旨於

午門外赴禮部筵燕詳筵燕儀偕知貢舉提調入闈

欽命四子書及五言八韻排律詩題目考官擬論題五經

題策題分三場試貢士並如順天府鄉試之儀既畢

試知貢舉分計各省試卷人數報禮部疏請中額得

旨禮部移知貢舉轉達內簾考官率同考官如額錄取上

所取試卷禮部恭進

御覽

皇帝親定甲乙下考官書榜揭曉懸榜禮部衙前收掌官

以卷送內閣考官以事竣復

命儀均與順天鄉試同翼日筵燕於禮部如儀詳筵燕儀

右會試



會試揭曉後禮部上所貢天下士試策

殿廷。

皇帝臨軒發策。將屆期。禮部備試卷。疏列內閣大學士。學士。九卿。翰林院學士。詹事府詹事。少詹事。銜名題請。命讀卷官十有四人。疏列閣部院寺進士出身。四品以下。七品以上官。暨給事中。御史請。

命受卷官十人。彌封官十有二人。收掌官十人。書榜中書十有六人。印卷禮部官四人。監試御史四人。前一日。下內閣各官備朝服。平明會。

午門外闕下。祇候禮部侍郎一人。率屬詣闕承

旨。接疏出宣。

旨奉。

命之讀卷官。及執事官。行三跪九叩禮。如鄉會試。

命官之儀。讀卷官密擬策問數事。奏請

欽定。撰題目。恭進。

御覽。持至內閣。刊題紙。密封以竣。

右命讀卷官執事官

屆日。鴻臚寺設案於



太和殿內之東南北肆設案於丹陛上正中東西肆鑾儀衛陳

法駕鹵簿樂部和聲署陳樂懸各依常次光祿寺備試案於東西廡下案表諸貢士姓氏名次奇數在東偶數在西質明王公百官記注官及侍班執事各官入陪位如常儀讀卷及執事官入序立於丹墀東咸朝服諸貢士吉服會

午門外禮部侍郎二人分位

闕左右門階下序進官屬給試卷鑾儀衛官按名令校尉一人代執筆硯器物鴻臚寺官分引貢士東由左

掖門

昭德門西由右掖門

貞度門魚貫入序立於丹墀東西之末內閣官奉策題設

殿內東案上退禮部尙書侍郎詣

乾清門奏請

御殿

午門鳴鐘鼓



皇帝禮服乘輿出宮前引後扈如常儀至

太和殿北階降輿入工舉麾鼓祝中和韶樂作奏隆平

之章樂辭詳見常朝 陞殿儀

皇帝御太和殿陞座工偃麾戛鼓樂止大學士一人進

殿左門至東案前奉策題由中門闌左出禮部尚書一

人進就中檻外大學士西面授策題復位立禮部尚

書北面跪受輿奉至丹陛北面跪設於案三叩興禮

部官屬進舉案尚書隨降中階設於丹墀甬道正中

變儀衛官贊鳴鞭階下三鳴鞭戲竹交丹陛樂作奏

慶平之章樂辭詳朝賀儀鴻臚寺官引讀卷官執事官就丹

墀東拜位北面立聽贊行三跪九叩禮興引退復位

樂止次分引貢士就丹墀東西拜位重行北面序立

聽贊行禮如前儀鳴鞭

駕興中和韶樂作奏顯平之章

皇帝還宮樂止讀卷及執事官各歸其次鹵簿樂懸出百

官皆退變儀校舉試案分列丹墀東西如遇風雨則設兩廡下

禮部尚書視官屬分給題目引諸貢士列班跪受

贊三叩興引就案北面對策晡後交卷於受卷官以



授彌封官糊名送收掌官訖皆出。若非親策王公百官不陪位不

設鹵簿樂懸餘儀同。

右臨軒發策

傳臚前一日內監豫於

乾清門內便殿

寶座前設

御案又設案於

御案前之左陳筆硯讀卷官既畢閱卷選上卷十標擬名

次密封申酉刻奉至

乾清門啟奏

皇帝御便殿陞

寶座召讀卷官入內閣學士一人奉卷在前各官以次入

序立於左記注官隨入序立於右

賜讀卷官坐各於立位行一叩禮序坐內閣學士就

御案前啟封恭進

御覽

皇帝親定甲第

命大學士二人就左案一人啟彌封一人依名次書訖密



封內閣學士奉出各官隨出。

皇帝還宮奉卷至內閣啟封付中書舍人書榜內閣學士

奉榜詣

乾清門請

皇帝之寶鈐榜訖仍送入退。

右讀卷

翼日漏未盡所司陳鹵簿樂懸於

太和殿外常次設案於

殿東及丹陛上均如

殿試之儀設雲盤黃蓋於階下設采亭御仗鼓吹於

午門外王公百官記注官及侍班執事官序立陪位如

常儀大學士一人立

殿外東檐下禮部尚書一人立大學士之下宣制官一

人立東樂懸之南均西面傳臚官立丹陛西階每成

一人均東面黎明內閣學士奉榜錄詣

乾清門進

御前內閣官奉黃榜設

殿內東案退讀卷官及執事官朝服集東丹墀內諸貢



士公服會

午門外鴻臚寺官引入序立如

殿試之儀禮部尚書侍郎詣

乾清門奏請

御殿遂前導

駕

午門鳴鐘鼓

皇帝禮服乘輿出宮

御太和殿中和韶樂作奏隆平之章辭曰啟文明五色雲

呈珊瑚網宏開羅俊英梧岡彩鳳離階鳴氣如珠河似

鏡集賢才於蓬瀛樂止鳴鞭丹陛樂作如常儀鴻臚

寺官引讀卷執事各官就拜位北面聽贊行三跪九

叩禮興退復位樂止大學士進

殿左門詣東案前奉黃榜出授禮部尚書尚書跪接興

陳於丹陛案北面三叩興避立於左鳴贊贊齊班丹

陛樂作奏慶平之章辭曰賢關大啟五緯麗宵光九

苞彩鳳鳴高岡日華五色舜衣裳濟濟踴踴多士思

皇序班分引諸貢士就拜位重行北面立贊有



大清通志 卷三十五  
制諸貢士皆跪樂暫止宣制官宣

制曰某年月日策試天下貢士第一甲賜進士及第第二甲賜進士出身第三甲賜同進士出身宣畢傳臚官唱第一甲第一名某以次接傳至丹陛下序班引令出班就

御道左跪第二名就道右少後第三名就道左又後皆臚傳者三以次前跪次唱第二甲某等若干名第三甲某等若干名不引出班唱畢樂作諸進士聽贊行三跪九叩禮興引退復位樂止贊舉榜禮部尚書進就榜案前北面跪奉以興降自中階禮部儀制司官承以雲盤十人前引張黃蓋出

太和門中門一甲三名進士隨出序班分引諸進士左出

昭德門右出

貞度門鳴鞭中和韶樂作奏顯平之章辭曰海榴舒木權初榮宣賜宮衣最有名薰來殿角微涼生鳳棲梧麟在圃致皇風於昇平

皇帝還宮樂止百官皆退榜至



午門外儀制司官陳勝於采亭內跪三叩興御仗鼓吹前導導迎樂作奏禧平之章辭曰賢網寬整才俊畢登疏附先後一人維聖教澤長多士盈景運開龍虎蒸出東長安門懸榜街左順天府府尹觴及第三人酒備繖蓋儀仗迎至公所府尹暨丞供張設席揖讓行酒三巡乃送歸第

右傳臚放榜

傳臚次日設

恩榮燕於禮部詳筵燕儀越五日狀元率諸進士上表謝

恩得

旨陞殿是日鹵簿樂懸陳設如常儀鴻臚寺設案於

太和殿檐下之東宣表官一人立於案旁黎明王公百官入陪位狀元奉表率諸進士入序立東西丹墀均如傳臚之儀序班引狀元升東階以表恭設案上降階復位鴻臚寺卿二人詣

乾清門奏請

御殿遂前導

駕



午門鳴鐘鼓。

皇帝禮服乘輿出宮。

御太和殿作樂。鳴鞭如常儀。丹陛樂作。鳴贊贊齊班。序班

分引狀元及諸進士就拜位。重行北面贊進。皆進贊

跪。皆跪。樂止。贊宣表。宣表官奉表至。

殿中楹外北面跪。展讀訖。興退。以表復於案。樂作。狀元

及諸進士聽贊。行三跪九叩禮。興。引退。復位。樂止。鳴

鞭作樂。

皇帝降座還宮。序班引狀元及諸進士。以次出。百官皆退。

若非得

旨陞殿。是日鴻臚寺設案於

午門外甬道正中。鳴贊二人。監禮御史二人。立於案前。

序班引狀元及諸進士。由東長安門入至

闕下。序立甬道左右。均東西面。狀元奉表詣案。北面跪。

陳於案。三叩興退。鳴贊贊齊班。引狀元及諸進士重

行北面贊跪。叩興。行三跪九叩禮。興。引退。禮部官奉

表文送內閣。鴻臚寺徹案退。

右表謝



殿試後旬有二日狀元率諸進士詣太學釋奠於

先師孔子行禮如儀

儀詳吉禮

右舍奠釋褐

大清通禮卷之三十六

嘉禮

皇帝時巡省方之禮

命下禮部具議以

聞乃宣布諸司及

巡省之方豫期供備其方大吏飭文武官屬敬修迺守攷

迺職事無敢不敬戒

駕所經行守土官陸治橋梁道路水備舟楫以俟既諏吉

閣部院寺府監疏列正貳官銜名請



旨扈蹕。武衛諸臣。部勒羽林衛士軍卒。嚴明紀律。鑾儀衛

官整裝

御營次舍供張。皆依時畢辦。

右戒辦

啟行前一日。遣官祇告。

奉先殿。如常儀。衛校以行營次舍先發。至日昧爽。鑾儀衛陳

騎駕鹵簿。

詳見於軍禮。

聖駕所出禁門外。扈從王公。暨文武各官。服征衣。佩弓矢。

留京王公百官。蟒袍補服。咸按翼序列門外。祇候。

鑾輅經行之地。

特命扈從大臣等。護視田野青苗。禁踐踏者。稽察馱車舟

楫。禁隘道爭先者。皆出郊先發。屆時。

皇帝御征衣。乘輿出宮。導從扈衛。如常儀。鼓吹振作。鹵簿

前導。扈從王公各官。咸跪。候過。興。乘騎隨發。留京王

公百官。跪送。候過。興。各退。

駕出郊。鑾儀校韜鹵簿。

御前張黃龍曲蓋。領侍衛內大臣。率侍衛。佩弓矢。親軍二

十人。執豹尾槍。前後翊衛。豹尾槍後。扈從諸王。貝勒



貝子。公。為一隊。次。公侯伯以下。文武各官。為一隊。次。八旗官軍。依旗為隊。每隊齊馬首。按部就班。從人輜重。隨後扈從。次第進發。鴻臚寺官。豫傳百里內守土文官。率紳士耆民。武弁率本軍。肅隊於

御道右百步外序列。

駕至。跪迎。候過。輿。隨至。

行宮行禮。

右鑾輿發京師

鑾輿既啟行。有司豫此

駐蹕行營。重城。張幔殿。黃幄。

詳見軍禮

五里外。遠斥堠。入旗護

軍。布幕環列於重城之外。閣部院寺府監扈從官。布

幕環列於護軍之外。皆以

御營為向。

駕至。詣

行營。王公離東旌門百步內下馬。從。大臣羣官百步外

下馬。從。均候

宮門前。奏事如常。及夜。嚴鼓。侍衛率禁旅。分番警巡。五

漏交。外營從官。衛士聽角聲。治行裝。蓐食。陸續前發。



扈從王公大臣豫至

駕所出旌門外道右。按翼序列。內大臣侍衛於

宮門前序列辨色。

皇帝御輿出宮。翊衛如儀。眾騎從。地方文武官跪送道右。

如初迎禮。

右行營駐驛

御道所經

名山。大川。及古昔

帝王聖賢名臣忠烈陵寢祠墓。在三十里以內者。

行在禮部奏遣扈從大臣各一人齋香帛致祭如儀。詳見

吉禮。吉日

右祭所過名山大川

將至

巡省之方。將軍總督都統巡撫總兵官出境奉迎。提督學

政布政使按察使道府以下州縣以上文官副將以

下守備以上武官於本界奉迎。皆蟒袍補服。恭俟道

右。

駕至。跪候過。輿隨行至



行宮紳士耆民隨守土官後跪迎翼日望秩於

方嶽及祭古昔

帝王功德隆重者。

先聖先師皆

親詣行禮境內山川先賢名臣忠烈祠墓遣官致祭並如

儀。詳見吉禮。

右望方嶽秩山川百神

駐驛行宮日

覲地方大吏察其所屬能否而黜陟之。

清問民生利弊隨宜興除。

臨視河防。

指授方畧。

召試陳詩獻賦之士量授以官廣泮宮取士之額以勵文

風。

親閱方鎮重兵辨將備材武軍士技勇以講武事所過府

州縣蠲免正賦訪問黎老凡男婦年七十以上者

賜銀布有差。

右考績行慶惠



大清通志 卷三十六 五  
省方禮畢。乃以回

鑾吉日。宣示在京羣臣。

鑾輿旋蹕。地方文武大吏率屬跪送。如奉迎禮。內閣得

旨。宣布各部院寺府監。

駕將至。王公暨文官京堂武官副都統以上。

內廷供奉記注翰林官科道等官咸蟒袍補服。豫出郊。至

駐驛行營外道右序立祇候。

駕至。跪候過。輿隨至。

行營恭請

聖安。各退。翼日黎明序列於

聖駕所入禁門外祇候。

駕至。跪迎。

皇帝還宮。遣官祇告於

奉先殿如初禮。

右回鑾



禮部以回

禮部以回

禮部以回

禮部以回

禮部以回

皇帝聖宮聖官厥告外

聖至謁殿

聖諭他人禁門水脈新

聖安各異翼日察開氣脈外



